

卷
施
閣
集

卷施閣詩卷第七

陽湖洪亮吉著

緱山少室集 乙巳至戊申

寒食自潼關至閤鄉道中書懷二首

塵欲浮冠浪拍肩未成寒食賣餠天兼程驛路猶飛雪

是日大風並雨雹隔岸山村乍禁烟舊友別來逾二稔臨風陵

李名花看盡入中年匆匆節序渾難遣柳葉牽人到酒

邊

一種人間未了愁杏花斜月屋西頭都無芳草能迷徑

只有閒雲易上樓金釧影移籠畫軸玉簫聲徹動簾鉤

殘宵舊夢何時醒門外黃河拍岸流

出關日先柬畢侍郎

花暗長堤草覆汀上坡楊柳接天青
半春移節來關外一路傳書向驛亭
管下名山皆有嶽坐中奇士盡談經
報公欲著河防畧燭跋更殘手未停

清明後一日憇靈寶東二十里風雲寺作

馬上游絲拂面過匆匆寒食奈愁何
鶯花已逐華年去風雪偏于岐路多
石鼎水清勞更瀹壁書碑暗費親磨
重來綠髮蕭疎甚人定枯僧鬢亦皤

緱山道中夢遊仙詩

嬾跨茅龍上玉京新涼踏月海中行
回頭碣石都無影移得黃河近洛城

真語親繙太古前
容成展上本齊肩
吹笙歲月三千載
子晉還稱後輩仙

三度人間謫乍還
玉虛容易綴仙班
淮南雞犬偏無効
穩住紅雲碧落間

來往閒雲不定方
莫遊西海曉扶桑
玉龍行雨都無暇
驅作羣仙代步忙

八駿前頭一霍翔
步虛聲引玉鏗鏘
不誇帝繫誇仙繫
幾度瑤池侍穆王

上界仙人住杳冥
閒來紫府鬥心靈
青天大似彈碁局
空裏時聞有落星

裁雲片片作窗紗
銀漢西頭織女家
天上晝閒無個事

隨風時唾碧桃花

自檢名山結靜緣藥爐丹竈火陰然忽然萬里紅雲破
流下仙人濯足泉

太室峯連少室高黃河空裏影迢迢緱山幾尺神仙地
引得羣神日夕朝

蕭史吹簫子晉笙半空鸞鶴鳳凰聲神仙一例都年少
白髮無從住玉京

天都逐便訪浮邱更向空同石室遊鶴背乍涼還乍暖
不知人世幾春秋

閒童五百執香爐玉節新從紫府除碑石拂雲都嬾看
神仙不習漢唐書

紫府三層碧玉臺
曉雲濃處百花開
蒼龍白虎司天闕
却放騎驢道士來

妙義同參帝釋居
龍華會上集簪裾
忽然海水浮天去
無數星官盡跨魚

秋半天中看月華
廣寒宮闕泛浮槎
玲瓏玉樹交無影
室裏聞香不見花

天上仍攜古錦囊
依然覓句擅詞場
都緣長爪仙人少
勅取麻姑降李郎

膠舟南邁世人憐
傳說昭王作水仙
畢竟上蒼忠厚報
一家眷屬揔昇天

采樵三日入烟深
絕嶺分明屐齒橫
再轉一山雲氣隔

松花如雨落琴聲

遊戲東池采碧蓮被風吹得髻斜偏倦來只踏飛鴉影
却訝羅裙黑半邊

詔書新降玉霄宮南下關門啟數重勅取海魚三百尾
放來天漢待成龍

借得仙雲一片平展來如席睡難醒多因夢重雲頭落
閣在松風盡處亭

金闕南頭奏玉牋薦將師曠更司天神光豁處雙眸炯
曾見仙人總角年

天帝分明築外臺琪花瑤草勅齊栽裴家玉杵溫家鏡
挈取神仙眷屬來

洗馬清談庶子狂
勅來仙案與司香
才名畢竟人天重
詔冊仍徵白侍郎

共守東皇藥竈邊
傳言玉女試金仙
回眸不語拈花笑
一夕都生離恨天

駕鳳閣來碧海邊
霜柑偷食近千林
都因槁債償難滿
強得天公爲雨金

玉妃兩雨門新粧
騎霍公然下界翔
却灑黑塵迷世眼
不教親切見衫裳

童顏如玉髮齊肩
自守丹爐五百年
騎得石牛偷下世
一生不願做頑仙

怪得雙成玉手溫
搏桑三日弄朝暉
鯨魚死後滄溟漲

添得天南綠一痕

嶽瀆羣神賀正回玉皇高拱坐層臺虛窗亦養紅鸚鵡
慣述人間瑣事來

無多識字便成仙香案惟留易一編詔取洛陽王輔嗣
茅亭重與論先天

上方光景若飛烟臺殿空明徹四邊三十一天無月看
月輪只照兩重天

憫旱

鎮日帷車坐偏愁雲氣晴客行殊望雨敢說爲蒼生
兩歲多憂旱山田赤地多到秋霖雨集瘠土更防河
百車汲井華綆斷水亦竭辛苦野人言殘冬已無食

三月黃花少蓬蒿積菜園殘燈山館夜殊復悵傳餐
巖侍讀長明屬賦歸求草堂十二詠

思話軒

我愛思話軒默坐久無侶香草一尺深秋蟲自相語
冬讀書室

寂然冬讀書一夕抵一歲若及三十年便足一萬載
知白齋

坐卧知白齋萬卷閱金石墨氣升作雲寥寥室生白
過雲室

一室名過雲籤軸紛滿架捲看青天雲生亦如畫
蒲廬學舍

學舍名蒲盧萬事取相類只恐劉真長當今本無輩
知魚檻

濠梁靜觀久自謂能知魚魚相忘江湖豈復知有余
賓竹廊

長廊列簣簣此君無不可他日或生孫大父行屬我
目聯臺

言登目聯臺四望各百里身世忽若浮大江流足底
茶塢

我尋茶塢來茶味如在口倘欲邀狂生壚旁合呼酒

兼山

拳石有山名石勢殊卓犖如許山不看出門遊五嶽

白兔泉

泠泠白兔泉石闌高一尺倘值梁王賓應繙兔園冊

小香林

寒深香意遲夢破花枝小無數雀飛來江南春正曉
孫大自句容來貽我二石刻喜甚各賦一詩

吳衡陽太守葛君碑

君歸止三月我夢已百回君來打門夢初破破夢示我
孫吳碑我聞黃龍年赤烏日一縣神仙都姓葛麤沙大
石人弃之取以作碑奇字突鴻臚泠卿倘哲昆南海傲
吏稱文孫羅浮章上罷官急遠遜衡陽政聲立試問鄒
湖酒一甌何如句漏砂千粒君不見葛君碑在縣西縣

南英英祀達奚縣南有達奚將軍廟莫能得其本末將軍夜半過太守賀爾石傳名不朽

梁天監十五年井銘

祇園近小池一雨浸深井

井在句容崇明寺側余乙未年客句容與孫大等時遊焉

我看紅荷花時餐井華冷井闌危坐無虛日詎識足邊

奇字出孫郎爲剔百年苔楷法棱棱三十一蕭家半壁

江山麗塔高參天井入地

寺有塔甚古相傳六朝時建

清和月後天

驕陽千乘萬騎來皇皇淨名釋後兼好道去訪宰相華

陽岡此時淮堰成逾月

梁書天監十五年四月淮堰成

萬井森森植樹

骨仁心詎惜六州民却憫居人道旁渴茅山道士鳩工

徒作井十五遵臺符一亭覆一井一井深百尺行人如

願飲甘泉宗廟反憐非血食尋源知味不可忘欲盡在
屋名蕭梁興亡一瞬中都付塔鈴語更喚井底龍亭前
作飛雨龍言守石已千年奇石旣顯龍升天

胡民部文銓蔣公子光世招飲相國寺

已拚泥飲度蕭辰紅樹前頭忽覺春偶語乍來窺檻鵲
高枝偏隱上樓人相看舊雨都如夢更展屏風已隔塵
幾曲艷歌歸去晚碧流離瓦綻星辰

籠街紅燭照歸鞭書記平安有報牋天放薄寒醒宿酒
人傳太白是真仙隔坊宛轉猶聞曲上馬懽騰祇欲眠
明日戟轅傳勝事哦詩聲徹曉鐘前

贈陸民部鐘卽送入都

去秋同侍鹿鳴筵二百人中最少年通籍早司金穀重
趨庭還羨采衣鮮機雲洛下東西屋韋杜城南尺五天
今日送君春正好青門遙望紫絲鞭

聞謝大令聘由固始擢守鄭州却寄

太傅園亭我下帷早年蹤跡鎮追隨基爭別墅心尤競

詩學春坊格未卑

王庶子大崔爲君房師

製錦乍來遺愛里栽棠

留伴叔敖碑同官尙有吹笙侶留滯天南報最遲

謂居大令

紳

自密縣至登封謁嵩高山留山下三日徧遊嵩陽書院
及少林寺回塗訪三石闕

中牟及鄭州風黑已三日行經大駝山谷險忽距轍天

青被原野氣候亦殊別十里輒一亭穿雲到新密山光
時破碎風捲出林栗一谷石若羊高下嚙馬膝地肥巒
翠暖村叟袂衣出馬尾別大驄馬首揖太室洗眼消水
濱看山庶真切

四面各萬里茲山天當中言尋古圖書名號有獨崇足
踏河洛流背與三塗通赤日照上方正如心在胸誰云
無神仙軒昊已築宮天帝湯沐饒嵩陽與登封自非雨
露殊何以歲屢豐是年不大不見長松枝亦扇天門風

登封壇處南外方祠在北惟留少室峯割作化人宅少林

寺在

峯下祠前一株栢屋外太古石言從天地始便已挺孤

直軒轅雨七晝堯代雪三尺倘欲與細論長風閃林黑

太室少室闕開母季度銘茲文在世間一字一列星我
來遊嵩高兼謁縣吏庭覓得數榻工南北敢暫停如爰
升松梢先剝苔蘚青聞聲不見人墨汁樹杪零三日始
畢工爲文謝山靈字旣徑寸奇文亦比六經牛車馱百
張回鋪草元亭

自少林寺攜僧欲登少室峯以積雪不得上還憇子晉
峯待月

山空無定影雲白亦疑花坐待輾轅月聊烹塢院茶曾
聞餌雲母誰解贈丹砂五岳此遊四還家鬢未華余曾
謂真
定恒山及六安霍山壬寅
秋復陟太華與此而四

送王大令復之官臨漳兼寄楊州牧芳燦伏羌徐州倅

書受大康

函關西去川原古下第六旬行役苦余以甲辰報罷後入關始與君訂交
是時君爲短主簿夷門東來景物澄河浪三月方飛騰
是時人呼龔縣丞君才作賦尤可傳景龍才人王子安
競爽遠有楊盈川卽論詩筆亦擅場鄴下首溯登樓王
作配乃有徐偉長梁園賓客嘉書記才子爲官亦游戲
却被人呼作仙吏君不見神仙吏不可忘楊伏羌徐太
康王臨漳

戲詠玫瑰花

芍藥花嫌小荼蘼香較濃連宵枕函裏開得一枝紅
偶得五百字酬景方伯安枉贈之作

五年客京師五年客西秦十年亦何爲頗與載籍親昨
來遊梁園編校事亦殷雖依尙書居一面或數旬貪讀
終卷書久立門外賓盤盤齋西頭乃與公比鄰君前官
節樓比識面雖未嘗吟聲日相聞前奉一卷詩未讀已
束紳開帙贈友篇古意何溫醅我雖未而公已晤公心
神豈惟識公賢公友亦絕倫方今富羣才作者日以新
誇多而鬥奇如鳥爭鳴春若論性情詩

當代無十人昨來喜雨篇憂國何諄諄民之饑渴懷乃
若在一身

聖人垂衣裳周覽靡不臻惟茲大河南民俗庶可瀉疇
浴雨暘區責此司牧臣溫溫今尙書百族依其仁抑聞

爲治方寬猛得並伸推誠固宜先條教慮勿遵自非束
吏嚴曷表于物勤此方當河衝水旱又已頻調劑幸垂
思蘇此十郡民明明哲人言芻蕘亦諮詢吾儒道無方
詎敢分域畛值昨憂旱災露坐每達晨雖無牧民責憫
此俗痛呻又聞垂空言不若實意存元公生中唐疲俗
善撫巡春陵詩一章字複語句陳不妄作一言言言盡
真純重之如典謨敢並詞客論期公亦如斯古治藉以
振立言非徒然六籍乃本根公行擁麾幢我亦邦國珍
各望致遠謨貴在質有文廿年客諸侯利弊粗得分前
蒙相公知謂大學士謂可軼輩羣相公居東華于公世
婚姻我行讀公詩宗法倘可循公才及前修況乃性行

真感激贈一篇交誼賴以啟行當計吏偕千里馳短輪
方其未屆塗先欲一掃門傾心于所知拂拭衣上塵公
其仁清聽含意庶畢申

戊申社日送友人至河北

去年社日風鼓浪渡河北今年風更峭掩卷送行客梁
園作客無可誇春半欲過無春花昨升射圃望原野青
草不見餘黃沙狂來濁酒誰能捨更逐兒童趨里社丈
夫志業亦區區割肉聊同宰天下

杏花四絕同方五正澍作

倚牆臨水只疑仙艷絕東風二月天要與春人鬥標格
有花枝處有鞦韆

春陰薄薄霧濛濛
鬼在江南細雨中
千朵冷光看不定
辛夷花北柳枝東

春當好處鎖無聊
自向簾前理玉簫
手把一樽歌一曲
紅顏祝過百花朝

十年騎馬曲江頭
拂袖籠肩憶俊遊
畢竟植根高處好
占他天外小紅樓

開封寒食懷里中
勝遊並記壬寅癸卯
看花韋曲之勝
漫賦二十截句

賁却黃壚酒滿卮
破愁聊飲半春時
東風吹得沙成海
不見江南雨一絲

時早甚

沙堤高比鐵浮屠
不信經時草未蘇
七百年來理春夢

閨窗私展上河圖

才人艷說李深之東髮能題七字詩一事至今忘未得

賣花聲過晏公祠

末句余童年作也

枕溪樓閣水迢迢租舍南頭巷北條半樹桃花一雙燕

與鄰家共之故云十年同住裏河橋

閑來時傍女牆行半里蘇蘇草欲平蝴蝶滿樓人不信
日烘花氣上春城

經旬曾未踏蒼苔杏樹花疎欲替梅紅到枕邊驚夢醒
一枝捎破紙窗開

溯流歸去路偏賒欲到溪南被柳遮時有鶉鴝啼一兩
墨雲如夢罨千家

辛夷含玉柳垂金
襯得簾前一片陰
渾愛曙光初破處
遶闌來看百花心

短短疎籬曲曲塘
過橋十步破雲光
春衫不上梨花影
只覺月明衣袖香

一峯奇石構幽居
小極攤書向午餘
何事鏡奩光不定
紫藤花影罩紅魚

醉醒渾未識天涯
古寺南頭一徑斜
似有塔鈴傳細語
菜花黃徧那人家

兩年頻識曲江池
紅杏尙書是本師
知要傳公舊衣鉢
碧紗籠徧紀遊詩

樂遊西去幾長亭
杏樹交紅柳接青
却碍白雲無路上

南山屏是百花屏

豹林谷口亂山交三兩幽禽挂樹梢與我一般無宿處
木瓜花覆舊時巢

半日招提問路行欲歸已有野僧迎一峯才轉一峯出
北斗向人衣上明

皇子陂前一徑通藍輿三宿水聲中小樓東面不曾掩
夜半月來花頂紅

傷春筵上憶王郎容我朝眠錦瑟傍榆莢盡飄荷樣小
更無錢與買年光

折柳傾觴日數回班驂欲去更徘徊送人一片南山月
穿到霸橋東岸來

花時頻入少年場兩兩遊蜂逐隊忙
悟後始知春意淡沿溪都種白丁香

被塵封處客難行破曉愁聽粥鼓鳴
輕燕不來人跡少客窗誰與證清明

寄錢三惟喬鄞縣

昨聞急使到河干珍重臨期語百端
念友心情成疾疾著書蹤跡尙平安
閒中閱世誰先覺夢裏聞君欲去官
繞宅太湖三萬頃幾時同我把漁竿

張憶孃簪花圖

花紅無百日顏紅無百年只有茲圖中
花與人俱妍當時一笑春風閣頭上好
花終不落可知花福亦修來長

得纖纖手香握卷中小立亦百年不覺衣帶飄東邊幽
蘭無言露猶濕花意人意交相憐百年花尙香百年人
不老題詩我憶卷中人莫更錯呼張好好

題夷門餞別圖爲淩上舍廷堪送友

三千食客都無用四十斤椎乃有靈風黑滿天塵繞地
欲從何處送秦青

雖云卿自用卿法坐覺人愁令我愁目送羊車出城去
柳絲五月已驚秋

趙大懷玉寫經圖

小時一筆不得書吾母教以分行疎小時一字不能識
吾母教之先點畫識從一字至九千寫自一筆幾連篇

年華屈指心先悚書欲如山筆成家人言學術有淵源
我視庭闈若周孔自傷孤露東家子不謂君前亦如此
卅年文譽冠九州可識從親授書始白雲溪頭橫舍東
吾親若親昔過從互依膝下問奇字各舉傳記談如風
檐前風樹聲無定不待孤兒讀書竟生年不造痛亦同
六十三年月冬孟吾母及君母葉宜人壽皆六十三下世又並以十月貽親望子
以令名我免爲惡慚先靈卽論至性愧君甚泣血寫徧
千回經吳門日昨來何駛共展雙圖淚難止時余亦以
圖屬君題篇不敢寫今稱母但知兒小名耳
賦長句
七夕詞倣方五體

閉門三日雨無聊聞說秋霖漲絳霄若使天孫有餘巧

擲梭應已化成橋

返船新到綠沈瓜
早汲銅瓶薦井華
佳節莫栽閒草木
牽牛花映女郎花

商量羽葆日相過
肅肅長雲裊裊波
莫喚填橋舊烏鵲
好教精衛去填河

紅閨小極戶常扃
只看銀河眼轉青
忙裏却添閒意緒
拜完新月拜雙星

題仕女屏風

尋幽徑有三更霧
小病人如四月花
胡蝶影多簾影少
幾回隨夢入西家

怪來書味上春容
校得仙經意乍慵
不信驗他雙指爪

粉痕猶淺墨香濃

三年渾住宋家東一語嬌羞尙未通他日曲江亭子下
借他簪鬢一枝紅

徐孝廉嵩芙蓉湖上讀書圖

有峯三十六都接海天青爲要魚龍聽先緇嶽瀆經鏡
收千樹綠燈借一湖星莫厭春蔬淡時餐雨腳腥

嚴侍讀長明平生樂雨花岡二忠祠竹木之勝浸後適
權厝於此其子爲圖乞詩因賦此篇

梅花如雪開朝暎昔時翩然來叩門山僧驚起欸尊客
石上煮茗春泉溫佛樓花謝剛前度遺鳧偏來賞心處
山僧行脚尙未歸返使先生作常住梅枝垂實葉暗廊

琉璃一鐙綠到房闌干幾曲助風勢總帳瑟瑟生新涼
萬言結習難忘却真見唵聲出樓角可知此客不尋常
三護鳴鑾四登嶽壯志方期獨擊鷹赴書已附西飛鶴
枉憶春風去住舟癸卯甲辰間與君先長懸夜雨東西
閣謂同遊紫閣君不見雨花岡南坡草青前後車馬來無
停先生高卧事亦得不見墻外勞勞亭

黃通守易訪得漢武梁祠堂石刻聖賢畫象既爲亭覆
之又繪訪碑圖索詩

高平石刻皆雲烟千載復見嘉祥阡平原武安吾不識
得姓要在西京前大河南移川變陸削石棱棱數間屋
不隨巨浪入滄溟中有聖賢牢置足四百餘字漢八分

句字樸棟如皇墳以之持較李剛刻四角但少龍鱗文
訪碑客至何瀟灑拓地爲碑營大廈道旁錯認魯東家
一車兩馬栖栖者

八月初九日將赴楚中童少詹鳳三邀同張學使壽崔
編修景儀趙舍人懷玉蔣上舍齊耀預至吹臺登高
歸飲寓齋卽席賦別

人生擾擾東西走快意登臨亦何有梁王城外亂雲飛
天預商量作重九翰林仙人張別筵邀客先上層臺巔
五車聯尾出東郭七騎矯首來雲邊紅沉綠暗青林表
人亦踟躕若飛鳥中臺陡接天半風吹斷語聲空際裊
歸來酒腸誰最寬詩老昨幸留餘歡騎蹏一時忽得兩

短李

崔趙

何處可覓詩方干

時約方五正詩不至

冥濛樓閣鐘聲

細清夜淹留賞心地遊客鄒枚讓馬卿酒徒毛薛依無

忌却憶三條樺燭人

時正育院試

青衫白鞵雨如塵名經我

愧身非佛作賦羣推腕有神

少詹及舍人皆以召試通籍

勝遊一

夕聯吳會別後萍蹤復誰在明日朱仙鎮上眠先商黃

鶴樓頭醉

時少詹亦將遊楚

中秋夕自尉氏至朱曲途中玩月作

四望各無際疑行萬里沙碧天微有影初日定輪華露

采驚棲鵲雲光發檻花此時心跡冷誰復夢思家

中秋夕三鼓作

林露下千點砌蟲鳴百端此時羅袖影一一上闌干佳

節異鄉好清輝徹夜看延回思往事坐久不知寒

自樊城渡漢遊峴山歸謁羊杜二公祠作

我從南陽來欲飲襄陽酒秋霖三日不暫停馬足泠泠
挾波走還攜梁園客遠上樊城望昨日秋風捲地來一
條漢水浮天上襄陽城北樓正開放艇若從天際回城
樓高與枕樓對無數山綠衝帆來松楸連綿十餘里客
到寺門山忽起昔聞峴首今始登一石真堪入雲裏可
憐好景輸後來削壁點上千年苔紅闌干落一江水白
日照舉堂中杯當時幾掬西風淚更值山公百回醉寥
落征南身後名何如眼底杯常在習家羣從噪一時我
知葛彊亦可兒滄桑陵谷幾回改何處可覓山公池白

雲茫茫一千頃曾照前賢角巾影羊公遊後渺無人秋
草荒寒沒人頂山前一亭昨復傾騎馬上與浮雲平難
追國士濡頭飲亦愧英雄髀肉生一碑橫眠一碑側石
上摩挲感今昔百世來分風日佳一編欲正春秋癖時著
左傳歸路惜騰醉不辭乍醒還謁二公祠可知此客今
無輩放許高吟峴首詩

隆中諸葛忠武祠

遂有經時卧知逢漢德終地當天下險山卽宛中隆蜀
國望難極沔江流不窮蒼茫墮清淚知不爲羊公
九日雨中飲楊進士倫江漢書院齋舍卽席賦贈
堂中書百堆門外雨三尺堂裏讀書人修髯新若戟前

時別君處七客揖馬鞭歲月苦未多兩復地下眠

謂莊
舍人

選宸揚司
務仁基

君思武昌魚我饌終南鹿食鹿苦鹿肥還尋

渭濱竹首春寄君札八月無報書聞言楚水高魚蝦自
登厨我乘東南風鼓此接天浪帆落卽訪君疑君坐天
上讀君五年作飲我九日觴腹筭旣已富修髯有時張
轉思三十年交君及君弟君弟亦服官

時君弟官崔峯
州判官適至

自知吾老矣無言契闊久且喜會面初兩心苟相親天
地不得疎

道中作

亂峯高映斜陽赤谷裏人行已深黑溪南新月透山來
千朶白雲遮不得東西秋水隔一村跋涉尙喜山泉溫

山村樹濕昨宵雨石屋泠泠出蠻語

黃鶴樓

黃鶴磯前黃鶴樓到來一笛欲迎秋神仙蹤跡成長往
吳楚江山此上流帆影靜排千雉堞檐形飛控兩雄州
支頤我正東南望却有雲生碧海頭

仙棗亭

纔泊金牛港口沙上山亭復傲浮槎真疑楚國萍如斗
誰識仙人棗比瓜白鷺雨餘飛急浪紅闌天半放秋花
談深我亦饒鄉思

時值里中舊友百椀頻澆陽羨茶

月夜再登黃鶴樓憶尙書師荊州

上城已有角聲催曉黑窗櫺信手開十月魚龍先入定

三更烏鵲自飛來
巴人路向雲邊出
楚國天從滄口回
誰敝庾公樓畔月
不勝清興待銜盃

種菊

古人愛深黃
今人愛淺碧
豈惟人事殊
花亦恨今昔
今晨買花至
隙地種盈尺
百種盡棄之
聊存花正色
清泉日疏灌
間以數奇石
倘訪泉明居
沿流卽彭澤

食蟹

江客嗜飲江烹鮮
及漚藕無緣傍江住
常復面山走茲來
愜心素百步距江口
江水照讀書江船送春酒
武昌魚旣好鄂渚柑常有
右手留校書持螯還左手
黃鶴樓送史上舍善長至南昌並寄王方伯昶

蜻蛉舟黃犢車爾不如仙人陸行有黃鶴水騎赤鯉魚
豫章城武昌郭仙人不如爾朝登武昌之飛樓夜宿豫
章之傑閣一樓旣參雲一閣復接天洲前鸚鵡喚客不
能住閣上蛺蝶飛舞開寶筵司勳詩筆王郎文我優爲
之何論君成名當世偶然爾拍手笑殺神仙羣神仙舊
侶吾能識方平牧羊今作伯有時耳傾彭蠡百斛濤手
扞匡山幾方石明月湖光一碧百花洲香四塞興酣容
我倒玉山不然爛醉從君校金石

方伯近著
金石集成

送蔣孝廉知讓歸江西

屋角新月明送君在今夕君言歸故里營家有期日一
奴一馬縛兩羸千里冰雪高嵯峨黃塵飛盡綠波出却

上黃鶴同高歌

時楊進士倫主講武昌君言當訪之

君家兄弟今無輩

歲相知亦何愧知君念我當有時啓戶來看九江水

爲張孝廉鶴題烏巢風雪卷子

枯楊聲已悲夜烏啼不歇男兒處窮海十日九風雪朝
烏催讀書夜烏催閉門枯楊作薪爨不溫老屋還倚枯
楊根去日長來日短夜烏窺人顏色慘讀書成名何足
言不若識字依親前君不見兒行不離親烏飛不離樹
烏巢呀呀能反哺失母孤兒哭何處欲望重泉作歸路

曾孫用懃校刊

卷施閣詩卷第八

陽湖洪亮吉著

靈巖天竺集

丙午至巳酉

跋英文肅相國所藏錢文敏詠物詩卷子後

故紙方三丈尙書五字詩九原悲宿草七客有餘思

是集余風雪授經堂粉墨傷心色詩以雲母烟雲過眼時

者七人同觀是卷猶慙門下士亦辱相公知

余爲文敏門下門生夢入值同趨

朶殿偏匆匆落墨寫瑱牋曾携暖翠浮嵐上

夢堂相公藏書畫閣名喚翠浮嵐忽寄閒坊冷巷邊

文敏幼弟維喬報最入部得坊市上特相國下世甫數月小友忘年情愷惻兩家多故淚纏綿相公詩格尙書

筆當代何嘗有後賢

丙午二月十日借錢三維喬楊大夢符等元墓探梅作
停帆及山椒雨點忽破夢東風來林間春衣香氣重尋
山三折至一亭樹梢微紅雨脚青山光雨光乍零亂薄
暝花紅出天半空林黃葉時一零木葉盡脫花含馨全
湖香氣收欲盡時有孤客楊幽舫白雲不在天碧霧欲
沉水一片溟濛盪成海危瞻花路復百盤瘦影先憐幾
人在時錢君借崔夫人等先在花光如月澹不分松翠入戶團幽芬
繞花百匝不知厭可惜下有春人墳時哥明張持千觴
揮百尊不飲已慚花下人來聞曉磬聲歸及晚鐘動春
泥深深鞋漫縫十里回途花作衙

贈崔三景侃二首兼寄哲兄景儀都下景儀劍門

客兒微子本齊肩未向衙齋識阿連今日西堂賦春草
懷人蜀道上青天難兄執筆趨蓬觀小弟裁詩壓綺筵
三處離愁一杯酒夜寒聊與對牀眠

曾訪疎梅徑石橋錢郎度曲蔣生簫

謂錢大令暨蔣上舍陳尊聞愁

歲月過三十如夢谿山似六朝五夜衾裯交燭淚一旬
衣袂未香銷穠春正好須歸去且莫風前折柳條

由淨慈寺至龍井道中作

離湖始入山一徑青裊裊土風殊清淳花比桑麻少人
家嵐氣重屋角出青草馬上人影高窺林撫巢鳥空外
山雨來方嫌出門早

龍井小憩

昨夜月沉前灣朝來白雲不閉關欵關僧少復誰伴白鷺引客來前山山巔一亭高百尺峯後峯前勢相及行人天外忽舉頭一谷石奇都欲立

冒雨尋三生石

一寺雨松梢零天半樓閣開青冥三生寺邊石如屋我坐剝蘚看題名山空氣候殊難省冰柱檐前燕巢冷春風開徧半山花尙有半山紅樹影

薄莫至湖上小飲

行人乍離山山色已如夢回聽南屏鐘薄暝數聲送衣單思中酒春醪喜盈甕漁人蒔魚處引水漸成術雙鯉

欲飛時全湖綠俱動

錢唐舟次作

芍藥開雙枕芙蓉刺裏衣不知花是繡蝴蝶上牀飛
錢唐歸舟寄錢三維喬一首

昨來揖客津亭東布帆如雲已挂風春風亭前一杯酒
送客多于道旁柳我行小別君遠官十艇接尾衝波寒
虎溪橋頭住經日塔影亭亭對波出全湖雨勢閣上來
放艇忽欲尋疎梅梅枝高寒雨聲急倒著羊裘雨中立
攜花滿船夜不眠花底裙屐皆神仙時崔夫人亦偕往我船載
酒獨欲前更有一艇鳴么絃么絃初斷笛聲起白鷺繞
波飛不已哦詩聲細出舵樓更放健筆圖清遊時方作聯舟雅

集快哉風帆不獲收一日一夕來湖頭湖雲正好湖月
輝惜爾遠宦余仍歸五年回首別孤嶼夢度江波逐君
去君行送我一惘然何日更放梅花船君不見故人十
輩多爲吏誰爲梅花決歸計

送楊大夢符至東平書院

巷南春泥深一尺知爾欲行行不得杏花枝頭春日晴
爾今別我有遠行欲行不行奈何許隔渡先聞喚船語
莊生莊四述祖玉立北岸偏瘦影已過溪橋前趙家兄弟巷
東走拂盡垂垂道旁柳沿溪送者三四人日日痛飲酣
青春青春回首六十日與爾同舟及旬月忽然疑我欲
作仙著脚萬樹梅花邊忽然疑我欲出世百尺崖邊惜

無始看花十回月五回更向西浙看山來山花清紅照
杯酒碧月蒼茫墮湖口茲行樂事無不有十舫載我集
良友樂亦既已極別亦不必嗟劉安鷄犬亦同徙羨爾
一舫携全家此時只憶城東門桃枝李枝將放春莊家
筍足酒亦溫可惜眼底皆離人時蔣大齊耀將赴遷盛
懷玉亦行作詩寄癭崔兼與瘦錢說年荒花好難人居
我亦清明挂帆別

花朝日訪袁大令枚江甯卽出隨園雅集圖索題因賦
以志別

生年雖後可不慙圖中五君識者三吳門尙書年近百
歲舟亭邊亦相值沈文憲
德潛我讀尙書篇已識袁尹賢白

門深秋一相訪苦說詩人惟瘦將蔣心餘騷壇落落此

數翁若論文筆尤推公圖中少年昔驚坐陳州此日鬚

眉已如我公前罷吏學閉關却有謝傳遺東山後先居

山兩安石公不爭墩名自敵翛然松竹倚北原因憶主

者名隨園園本隋織造所卅餘年來執牛耳不到茲園

名不起公自言名士未偶然落筆貌昔遊歲則乙酉時

清秋園林疎疎風屑屑已覺尙書履聲出彈琴旣無絃

垂釣亦直釣少年落紙不肯休我見識是非常流此詩

此畫誰能逮出筆都憐才蓋代南北詩人十數公卷中

滋圃劉文定尹文端三相公暨錢文端文敏沈文慤彭芝庭諸尚書均已下世僅餘一老稱前

輩山中訪客當花朝擲我一卷如牛腰止留紙尾盈一

尺寒夜乞我來揮毫

是夕大令留宿

小眠齋外花光紫

窗前勝花甚開

讀書讀詩愁不止尙餘一客昧生平掩卷來尋

尹公子

蘭中唯尹公子蘭未及謀面

道中遣懷十首

月館風廊望若仙眼花濃笑髮齊肩讀書燈下匆匆見
此事分明十五年

欲歸清漏已迢迢忽覺沿溪笑語飄風裏紙燈拈不定
暗扶絲柳過紅橋

長廊轉盡歛幽房鐙穗微紅月乍黃天半忽聞金釧響
最高樓閣整衣裳

私理銀瓶汲井華個儂薄醉未回家鸚哥欲睡人還立

團扇親拈自煮茶

看星歸去已匆匆
早闌圓扉怨小紅
贏得夜深談往事
一雙人立雨絲中

春波東去逕西斜
紅杏枝低戶半遮
垂淚別他雙燕子
烏衣巷口欲移家

酒溫香膩乍魂消
月采冥濛隔絳綃
早有玉人傳細語
百花生日是今朝

團團月扇放簾低
對面梳頭背面啼
故倩旁人說春夢
自來庭北剪棠梨

夕望征帆已百回
模糊明月上梯來
梨花一樹宵無影
却傍人人素袂開

往事怔忡一夢中
欲挾清淚寄東風
可堪行到無人處
一樹桃花著意紅

秦二世泰山石刻止存二十九字在泰山碧霞元君宮
乾隆戊午年復燬于火榻本甚少今夏黃州倅易構
得一本寄孫大因爲賦之

昔者東海神照見泰山火惜哉篆法存竟值炙燔禍神
人嗜古理則同急雨已下元君宮碑雖不存紙本出光
焰尙燭秦封中我聞漢家重六經丞相半武夫秦人棄
詩書當國悉大儒咸陽門邊呂覽收泰山碑旁斯篆留
一摩巨石衝天上一抱遺經入黃壤爲陵爲谷倘有年
碑石沒地下遺經出人閒經學既大昌籀法亦可窺人

摩一本曰觀寫豈數丞相東封碑斯言雖狂由激發耳
寶斷碑臨萬札君不見欲將一字比一星二十八宿應
添伐

童上舍鈺所藏晉太康五年買地荊歌

大男楊紹買地荊太康五年歲在乙亥云九月廿九日
黃滕關澤北瞰湖古名今地勘不符今爲山陰十七都

明嘉靖中山陰十都人耕地得之乾坤六合甫歸一日月四時須作贊

瓦尾更言如令律可憐青蓋飛前年四十三郡登降賤
當時曾不費一錢太平土價高于玉買土爲墳傍山麓
四百萬錢稱賤鬻土公當日疑有私賣地不與天公知
故列證佐詳年時前孫吳與後司馬劫後山川餘片瓦

光欲流虹手難把董君好古無一田一瓦乃直二百千

抱瓦曰向高齋眠瓦文棱棱六十字不及質君真恨事

采入晉家置域志

詩著東晉置域志適或前中黃滕關澤諸地名悉采入山陰縣下

青門送別圖爲史上舍善長賦卽送歸吳江

渭城西去青門東古今送客愁不同咸陽原邊馬行少

只覺客從東去好去年別青門今年客梁園梁園爲客

忽不樂放眼歷歷思秦川幾年君向何方住堪歎客却

望秦川作歸路貪看削雪萬重山行到斜陽最西處東

西歷盡詩一囊已抵陸賈千金裘吳江楓落句雖好何

似變體吟伊涼讀君詩完飲君酒七尺憐君好身手塵

衣浣向海東頭飽看日上滄溟流

送邵秘校晉涵入都補官

君行不得行一尺大梁雨流潦衝夷門街泥積如許大
梁雨足欣有秋君雖不行我夷猶廿年三度與君別被
酒歷歷追前遊逢君乃研經逢君乃注史當時苦說兩
少年只惜黃郎已前死仲則騎龍弄鳳戲里閭斬蛟射
虎節不拘性情至此忽一束細校科斗牋蠅魚讀書識
字居然異長句猶能矯奇氣大龍山下別君時千六百
言君倘記辛卯壬辰與君同客安微學使幕後于王辰
懷富然下相別各爲詩八百字以贈焉
三月上巳筵江水一樓詩一篇我飲白裕方詠月君著
官錦行朝天長安米貴居偏易蓬觀爲君著書地宜南
坊外三斗塵一客入門驚故人故人久別儀容野日倚

陳編與傾寫已看貴紙寫南都君時著宋南都事尙少

築臺名爾雅十年哀樂事亦同往往相左紅塵中爾雅

及秦諱南歸訪余于里門不值是年冬余亦遭太孀人妻

覲梁園握手亦意外濁浪飽吸餐炎風河流拍枕朝難

醒官燭燒殘夜忘永蠹魚窺客客不知雙鬢都垂二毛

影盤盤萬卷縱堆窗只覺逢君氣早降禮堂若寫羣經

定君署南江我北江君據漢書地理志許君說文定分

亦據地理志毗陵北江在北東人海因自號南江余

黃州倖易得漢石經尚書論語拓本殘字共一百二十

七因自繪象于後索賦一篇

陳留中郎真大儒六經能以一手書一手書後萬手模

太學門外車填衢闕堂皇皇三百尺日月入之光欲奪

當時共喜聖籍尊可惜偏遭漢家末碑成不遺廢黷馱

預恐識字驕龜鼉惟應儒者得觀覽證以師說無差謬

六經之文萬萬古水濡火滅均可補周篇秦已值祖龍

漢刻晉還逢石虎水經注石虎載經于陝津沉沒大河左右地可觀

掘土尺許皆琅玕魏安僖家逸書出唐御史府遺碑傳跡

開地唐御使府此經此本誰所拓疑古疑今日詳度八

分縱昇石室體一字已勝稽山閣論語碑較蓬萊閣刻本日誨下多一女字

黃君是年三十四尺璧換來殊不易賞音不啻襲下材

寶墨尤逾枕中祕吾儒策勲亦可哈詎有麟閣兼雲臺

研經半世貌逾古畫像且復登蓬萊虛堂六月消暑色

且借此碑讎隸釋中郎中郎不能值我見虎賁三歎息
送沈秀才思訖回浙中就試

三日檐溜聲正慮大河決沈郎馳征車乘此疎雨歇一
奴鬚蒼然一馬色驪栗亦有酒一杯迎門且言別歸裝
不憂儉萬卷深壓輟八月天地潮排空試詞筆吾鄉窮
令尹纖歆令望我一書切軍門亦吾友陳提督天上吹
威衆君行倘相值定復詢消息爲言頗善飯暇卽耽著
述去去弗復遲沿途有新月

吳大令錫緯以二月抵大梁卽奉檄勘賑西平遭疾遽
卒亮吉等歛金相助至九月旅櫬僅乃得歸率賦此
首哭之

夙交君叔暨賢昆

子與君季父祖健及仲兄繼緒素相契

及相識方欣萃一

門濟水南來曾門酒

辛丑夏予下第偕崔吉士景儀赴陝中時君在臨清崔君留飲一日

大河東去與招蒐夢爲蝴蝶同飄忽

昨夢君及莊同年送宸莊爲君妻弟

時下世已

生與蜉蝣競旦昏更向邗溝尋舊侶十人今

僅兩人存

君所居枕邗溝耆東西最長予童時舊相識如錢伯謹仲默升之守之唐介石在茲兄弟

孫思雍布衣潘章叔上舍二十年來先後下世今存者惟君叔暨錢樹參明府二人耳

送汪秀才槩堂歸錢唐

琴堂曉日列長筵執卷呼名始得前

君嘗人邦憲曾令陽湖子始應童子

識我傍土牛依砌下君騎竹馬出簾邊論文尚記三

千士

時二縣應童子試者至三千人此事多應二十年今日送君惆悵

甚使君墳草已芊芊

喜楊大芳燦至大梁卽送入都

十年復一面萬里各在胸重來酒壚邊恨已無黃公帽
則我方強仕歷九州尙恨未極天西頭君才早宦原非
過僅得一城如斗大花門發面昨負恩城大如斗真思
吞升平本乏邊塞績小醜乃建君奇勲手揮稜稜萬言
檄左手更兼能殺賊城頭一矢落一人餘者不敢來爭
門飄然望君一千里疇好客日讀軍書爲君喜丈夫事
業豈偶然頗恥僅以文章傳等身著述亦何有我抱壯
心看北斗涼秋九月集大梁左蔣並在甯辭狂特左孝
皆上舍青曜適此時頗復憶孫楚謂淵爛醉尙滯華陽岡
眠遲消盡雙紅燭別久話多還抵足尙書愛客知客狂

夜勅齋厨餉醺醪一旬送爾城南臺倘得殊擢君還來
君不見吾徒會合真無幾更隔十年愁老矣

乞梅詩投左二

故人齋畔樹植我小池東他日花開處如君笑口紅
疏池貯科斗構石帶莓苔預恐秋窗寂先移春樹來
卷施閣落成偶賦四首

我非一世人世味本無泊中年感孤露顧影失棲托故
巢有時歸戚戚寡歡樂妻孥中道合久對面生怍衣食
粗已完聊爲事疏鑿閒身置天地非可自菲薄臺佟忘
世事幽賞寄巖壑藉此山一房寥寥通五嶽

晨源始讀書午倦亦展衾昔夢旣爲昔今夢成其少夢

醒理未殊安得分戚歆昨者疏一池貯水不欲深安知
旬日間不復成雨霖閒門晝常關石古苔氣陰積卷貯
石旁一詠兼一唸掩卷忽慙然此意難復尋迷陽花斷
腸卷施草傷心傷心以名閣淚下霑衣襟

東鄰啼鵲鳴西牖蟬噪柳忘機一延伫物態欣有偶茲
晨風日好爲具約吾友豐歲慶有期先秋富蔭藕雛童
識南北欸戶速誰某齊年居七八大者顏未叟各各徵
所聞居然足談藪傾觴及終日僅足盈一斗中坐或慨
然年前失黃齋

昔者慕著書鉛槧二十年傳世難預期庶足慰目前前
年少尹亡賈仲檢討疾亦綿紉搗惜哉同心人生命均

不延初日照屋間神澹不復眠偃仰萬卷中有若田大
田注史忘歲時炎暑忽已遷一雨斷往來展卷晤昔賢
餘事非所營庶以全性天

七夕獨遊放生禪院兼至楊氏宅訪友有懷進士倫武

昌

一院千聲出風蒲葉葉秋怪雲都上殿野水忽平樓石
徑歲逾圯禪堂昔未遊夕陽真有意穿樹到東頭
九株松檜綠遙識草元亭鄂渚客偏久山房昨已扃
門逢地主佳節指天星正好涼汀坐相攜采素馨

初八夜蔣太守熊昌招同人小集卽席賦贈

久別真憐廢過從舅家庭樹尙葱蘢

所居本余從舅氏故宅

樽前

秋思催春燕天外晴雲挂雨龍安志約值刪徑草閒心
邀客門詞鋒狂唵痛飲都成慣不管前溪渡口鐘
冒雨

行人未歸處雨點黑如鴉細路獨三里秋原餘幾家魚
梁入波冷荷徑送香斜爲有年時舊留賓過水涯
郊宿

破墻南望處十里月空明秋露洗逾綠殘鐘敲更清樹
疎涼意定塔古夜光生不覺心神寂寥寥夢未成
夜起

水南一燈明復昏欲歸不歸夜向晨秋花如拳挽行客
月露似眼迷歸人流螢出門光乍小徑密人行復披草

却到橋西愁石欄寒鴉噪客來何早

早行

曙鴉聲一片秋露洗高原暗影驚谿樹迷塗出毀垣磬
疎分寺塙波響涉泉源畧行危如此松梢手欲援

紅梅閣小愁

野人愛郊野近郭行半里紅樓出林梢星壇人雲裏因
緣開北牖半日坐難起秋圃黃金花空潭赤文鯉

東郊愁劉氏花園

出郭閒行閱歲華風光偏足野人家涼生碧玉參天樹
秋到黃金布地花小閣四圍巢燕棟夕陽三面響魚父
林園不欲窮幽處留與閒時共鬥茶

飲酒十首

人生天地間各各私所有未知室中物屬客百年否百
歲非可期得半亦云久萬事取目前沉沉飲吾酒
憶從墮地來不識天上事同儕應念我久別及一世飲
酒或夢之時時致沉醉寄語區中人無爲擾余睡
嘗嫌生世遲千載隔鄒魯不知更千載我又成太古詩
文代相祧視我卽鼻祖所以勤著書空言不無補
作客二十年衣食知其難卑身與周旋不敢忤世顏人
事旣以希飲酒輒閉關頗哂一世苦說不得閑
性癖喜獨尋不避卽與壘高原何蕭蕭愛此木已拱要
知百年後行者皆接踵春到骨亦知柯條節間聳

涼蟬飲清霄下者口亦啄物性饑渴同飲酒人所獨神
明頓通徹味乃勝食肉所幸吾已多東鄰酒家屋
黃生苦不達飲酒或酒悲孫郎庶通方量復與興違吾
皆與之交泥飲輒不歸一死一別離行當徹尊壘
秋聲來無時當戶鳴蟋蟀夜短心甚長沈憂逮朝日卑
身處天地非敢計家室百念集一尊傾觴亦將噎
客有一寸心抱此亦云久妻孥不能知庶可喻良友悠
悠二三子悼歎莫吾偶一世乏賞音吾將寄身後
前日無好懷昨又寡勝侶今晨心賞至檐外忽風雨蠟
展雖已攜塗泥積如許感此復閉門終朝杯獨舉
將至烏鎮率成二首呈崔通守龍見

我騎竹馬甫成童綠野堂開識寓公

王午歲于錢文敏公第中議君時甫

咸進

裁句早甘牀上下飲泉今徧湖西東

君歷暫金華處州及烏鎮

炯雲霄事業看兒輩

謂長君編修景儀

夫婦神仙艷里中若說

通家較清切伯孫榻畔拜扶風

蹤跡愁邊與病邊放懷應不受人憐中郎才筆推前輩

太傅門墻記往年

謂錢文敏

威鳳羽儀終就日成龍腹尾盡

升天淮南賓客如相問只我遲回懶作仙

四鼓渡鶯脰湖

三更涼月侵放棹復幽尋客念此時寂鐘聲昨夜沉露

翻千葉白雲定半湖陰只有閑鷗鷺能知天地心

夜話贈蔣上舍陳尊二首

秋樹齋頭夜氣深故人久別話升沉黃金市上空求骨
白雪尊前孰賞音循吏幸依崔不意君客崔通守署中歲久專家
應學董無心時訊董孝廉思年來絕業誰能識撰到清
風與竹林

二十年前共閉關白雲谿上著書閒曾拋屋畔撈鰕渚
君有別業在鶴却買州南射虎山君尊人近買宜興縣南山數十頃云十年
後富獲其利別日壯懷應少減故家生計未全慳何時得遂
幽棲志擬箇風前與往還

新正二日太倉毛州倅大瀛招同鉛山張上舍舟歛方
上舍正澗無錫鄒公子恩三山徑探梅卽席賦贈六
首

昨來世事繁今最賞心果甯惟市塵絕十里斷烟火行
盡落葉聲寥寥花數朵

衡門當道左客至主人辭園林非一所樓閣掩經時閒
傍宜春帖離離紅亞枝

合牖做風樵離堂開雨宴陰晴花氣殊深淺雲容變猶
斂向南枝將無待春燕

疎香不到處山水足清華曲澗流時斷幽巖路忽又閒
心聊點筆元日詠梅花

雙筵旣藏鉤獨客時吟句淺醉已學狂欲歸猶未許且
上百尺樓簾疎試春雨

居然人慕蘭

毛君字又長故云

亦有字同揚方布霧方誰學談

天口乍張無爲勤遠送揖別此花旁

初二夕宿漢口聞爆竹聲不絕

漢水入江處東西一道斜五更喧爆竹十里散飛花已
破早梅萼遠驚徹暗鴉聊應當鄉語淺夢乍回家

確山贈金同年朱相

故人爲此縣幾載有賢稱隱几書三尺當門嶺數層雨
肥山郭蘼風瘦驛樓燈馬亦諳清況衝寒只飲冰

元夕宿尉氏贈張大令大鼎并寄徐州倅書受

去歲中秋永

去歲中秋日往武昌道過此留飲

今年元夕寒雨四明月

好都向此城看邑宰幸同譜盤餐聯素歡遥憐徐騎省

雲外倚闌干

朱仙鎮元夕

鄭塞逢人日朱仙值上元殘燈依半壁春夢入中原月
直危樓影天連野燒痕明朝騎馬去又過古夷門

洪兒歌爲徐同年書受賦

尙之三十後生子乞余命名余舉前人之例名以余
姓而以余名字之曰孟吉則因其庶長也並作是詩
昨來欲訪夷門雪獻歲發春才十日故人舉子乞我名
我名故人子不輕我年始十三六經都過目書堂學咏
新月詩得句先令輩流服爾來卅載饒憂患文筆天人
倘堪贊我老雖慚習始興兒行何減吳元歎字之以吉
名則洪富貴或過我文章止期同白雲谿北餘環堵我

有三兒健如虎架上盤盤萬卷書他時一半應分汝

董生詩贈董上舍達章

董生賦吳山指上立采虹董生賦南海舌本翻龍宮我

知董生由趙左

趙大襄玉左二輔

不識董生才過我我詩往復

頗不窮不及董生句更工我文亦饒氣不及董生律尤

細董生知我我不知直待頌徧千篇詩袁君愛巧欬令

徐愛真

徐欬

二者生筆皆能臻不然何以天風海濤相

間鳴亦復雜出紫燕百舌黃鸝聲董生三十無世名我

吟一篇見者驚選生詩編生自省我在何能歷公等

聞官詩

徐上舍均爲言乾隆壬辰年其尊人某官刑臺令漫

于官喪歸至臨清大風覆舟一妹三奴皆溺于
甫四歲憑棺蓋得免時奉天何士錫爲副官爲出錢
募役得曳柩出水四人者皆爲縶葬又賃屋居坐者
數月均甫自邢臺至臨清得奉喪歸暇日爲余述其
詳余感何君之義爲賦此篇

臨清開閘置官閘官閉閘方一日忽見天上來浮棺浮
棺誰舊令尹急溜失風船浸板一女數奴冤不返漆棺
浮處沉四屍棺頂乃復憑嬰兒漕船戕戕下水來大聲
呼閘閘不開閘不開衆皆詈閘官倉皇掉其臂三百閘
夫聲若沸曳棺出水兒亦蘇魚腹奪出雙亡奴漕船不
前漕卒怒拍手大言官得賂官甯受取得賂名爲德不

卒非人情奴行烘衣兒進粥更爲羣棺賃雙屋周巡一日至數回越六十日喪方歸君不見何聞官救人出死力送喪淚尙垂棺側竟與棺中不相識

濟源謁濟瀆廟作並寄錢州倅帖西安

我昔尋淮源騎馬至大復濟源今始訪尙未及王屋馬頭星落日未光天半忽然落太行山形西上水東下中有百里雲之鄉雲鄉萬畝收常窺水鳥鷺絲時作對開門飲水性不浮頭上白雲還可戴尋源入廟得數潭酌以木杓殊清甘坐思地脉出靈異更有一源穿寺南寺西南有一潭俗名海眼藻萍靜覺微風起那識泉流及千里不是天青落眼前都疑赤日行潭底殿頭斜交松柏風碑頂

錯落填青紅九州三瀆得配食北海一神成寓公謫

海神又有三瀆又有水光沉沉走靈氣飲水況兼知水味點波縱

乏魚眼紅入饌復添萍葉細土人以萍葉作羹雛童道我行不

休出廟遠看珍珠流土人指點復非一我卧欲向山南

遊斜行卅里無平地石觸馬蹄如斧利車箱側坐作一

篇聊當西尋濟源記我有故人官故京萬言能辨濟爲

蔡州薛以兩雅濟爲楚爲何時並馬入河許應訝蔡河

原號楚

延慶寺

向西行一里側耳水潺湲古寺埋荒草春風被北原上

樓迎雁過遠樹避禽喧欲抑飛揚性時時酌水源

盤谷寺

日斜來谷口新月正東升石壁餘千仞空山祇一僧品
泉殘雪淨當竈白雲蒸照我歸途好寥寥塔上燈

盤谷寺東山墅題壁

我來百級盤空砌一樹臘花香蓋地

詩中臘梅一株花
朵積地寸許香尚

烈出門正值過嶺風半里疎疎挹香氣此山泉水不出
山曲折偶落幽人關泉流落處閣飛起更向天半支紅
闌閒心欸戶還相揖一馬一奴催去急臨行偶展几上
書窗外白雲如崔嵬

盤谷寺道中

盤谷路屈盤怪石都欲齧馬行旣傷蹄騎馬復傷膝馬

鞭苦不前奴亦涕垂尺當其勢倉皇天頂作深黑天黑
未黑幸有星松櫟百樹流空青入山行遲出山急馬上
別山聊與揖

宜溝行

宜溝驛中逢節使三日馬蹄聲不止衝途驛馬苦不多
役盡民馬兼民騾民騎不給官家食更要一騎增一卒
馬行三日力不支馬病乃把民夫笞長鬚壓後尤無忌
急還官騾訪官伎民田要雨官要晴一日正好兼程行
車前輿夫私歎息曾與此官居間壁官前應試苦力疲
百錢得驢詫若飛君不見人生貴賤難如一不是蹇驢
偏有力

夜過漳水橋

十里平沙兩戍樓，薄寒衣上點春愁。
行人莫問銅臺事，漳水如今入海流。

自錢唐放舟至上虞卽寄唐大令仁植嵎縣

我拋西子湖來訪，山陰月山陰道上夜不眠。
明月都疑古時雪，古人何太閒。今人何太忙。
四明山色笑人久，狂客一去誰能狂。
山陰舊友無人到，還訪山陰昔時廟。
巢梁秋燕忽翻飛，螢火遙遙出門照。
山前月綠山背紅，十里燈火連青松。
神簫法鼓聽不足，水面黑已搖靈風。
北山雲暗誰能見，星點如萍落波面。
枕中秋夢爾許長，船上月痕移一綫。
我思訪友至剡溪，故人手版歸無期。

娥江水秋轉綠話舊還來此江曲天台山連天姥青舊
遊十載難重經偶然雲朶錯江上訝落十二芙蓉屏道
旁峩峩孝女碑當日偏遣兒童爲閒繡榻本坐船屋落
落可笑時無才自非賀季真誰識李太白我羞黃絹詞
祇憶錦袍客詩成絲雨忽下汀屈指明日秋當晴會須
散髮飲官酒百尺樓上眠秋聲

湖上看雨

雨聲不著地惟走松栢梢山風颯然來時時撼鴉巢歸
鴉點黑雨點青星出復沒天冥冥樓高百尺陰晴變山
外月明山裏電

湖上坐月

闌干旣戀月月亦戀闌干十二回廊內無人徹夜看青
天沉沉黑雲破時見東山鬼燐大星沉月落雨一天闌
牖更枕荷香眠

湖上夜起

背山十里行何遲沿湖草香人不知草根螢火草頭露
照客歸夢三更時紅疎綠暗誰家宅十二曲欄眠獨客
開門無意望雲山秋水連天月華直

韜光精舍

山頭戴屋屋戴山山上又復開禪關斜行百步路深閒
飛鳥不到人應還竹梢垂垂栢陰直一徑夕陽紅欲漫
雲深草暗不見人蝴蝶花開四山碧

山陰舟中

四山圍一澗流水不能東
青草添波綠高雲映樹紅
挂帆零竹雨啟帳引松風
已覺衾裯薄寥寥秋氣逼
夜坐

三更人意定風竹自敲琴
樹樹月華直峯峯秋氣深
海雲當戶落齋磬隔烟沉
莫飲寒潭水空明此夜心

中秋詞

樓上月疑尋人穿戶南北還
當門墻頭花疑伴客覆屋
高低復窺隙秋棠軒北待月華
出戶小語聞呼茶葦絲
如指藕如臂齒冷怯進西園
瓜池臺左側闌干右隔巷
萬燈輝若晝琅玕鎖徑不一開
坐久竹風涼逼袖三更

卷之四
月暗絲雨飄約伴溪北行三橋走橋人多不相省獨向
橋心鑒春影

錢三維喬以桃花卷子屬題時錢新室將落成因作長
句貽之

春風百萬花枝旁桃花李花能不香桃花紅紅李花白
誰比春風好顏色昔人飯桃三十年顏色姣好都疑仙
人生駐景亦虛語聊取玉貌臨風前披圖一人美無度
綠鬢猶留遂初賦東邗溪北斗城南欲種桃花閉門住
一株花開千萬株紅蔽天卷圖忽忽念疇昔此景只有
南山邊牛頭寺古慈恩側雲欲不紅何可得君今臨水
築新居縱不栽多亦當百春風一吹香半室隱几如坐

南山中半城鶯燕在何處聞氣只掠花西東初陽入樹
光凌亂一日風光百回換尋常客至門不開祇許鄰童
上牆看我家亦傍溪水隈桃無一株愁舉杯豈徒鶯燕
不相訪蝴蝶絕少窗間來與君街東西屈指月三五攜
樽來遊莫相阻我今題作桃花塢

楊秀才嶠谷漁樵問答卷子

聖不自聖何其謙執射執御無能兼儒羞爲儒亦何意
欲漁欲樵誰者是方其學爲樵不識世有淵方其學爲
漁不識世有山用心可一不可二君意胡乃雙相關我
知終日樵薪復不盈東何以贈君爲君歌伐木終日漁
魚復不上竿何以贈君爲君詠忘筌吾儒之道無不該

卷之五
三
沉乃二者當優爲樵夫笑土匪無謂漁父鼓枻何悠哉
君家家法爲儒好天祿可讎元可草堯夫經世吾懶觀
復恐誤爾儒爲禪

有人都者偶占五篇寄友

孫比部星衍

自君居京華令我懶作詩作詩與誰觀誰爲定妍媸一
篇偶賞心世論不免嗤一篇牽率成俗賞友在斯我雖
不敢言得失我自知唯我與子心膠漆難喻之我工子
開顏我拙子不怕非惟字句間兼爲審篇題前寄袁尹
章枚昨荅汪叟詞荅霖上皆有墨瀋由君指其疵或時
作一篇我心如亂絲君于我旁系者卽以治別君居

三年作詩少千首以此厚怨君君能識之否

邵校理晉涵

自君居京華令我懶著書一義偶有疑搜篋復發厨不然在君旁理蘊已畢杼問一必荅三背誦若貫珠君疏爾雅篇訂正五大儒使我心上疑一日頓掃除君師錢少詹大昕精識世所無吳門及錢唐復有王鳴盛與盧文弨皆言此書傳遠勝唐義疏盧爲校三匝誤字一一鋤惟嫌體清羸力疾廣授徒穀梁疏倘成孟子義定乎別君居三年我書不盈尺以此厚怨君君行亦當識

章進士學誠

自君居京華令我懶作文我前喜放筆大致固不消君

時陳六藝爲我斧與斤不善輒削除善者爲我存儀真有汪中此事亦絕倫藐視六合間高論無一人前者數百言並致洪與孫勗其肆才力無徒嗜梁陳我時感生言一一以質君君託左耳聾高語亦不聞謂與汪論君于文體嚴汪于文體真筆力或不如識趣固各臻別君居三年作文無百幅以此厚怨君君聞當瞪目

管民部世銘

自君居京華令我懶詣人詣人或有忤時時致紛紜誰能爲幹旋並復正色論我病非由他半或飲酒醅君齒逾十年戒之每醅醅畏此一尺面嚴冷無陽春我交有趙莊懷玉述祖我交有楊倫數子亦獻規使過不敢文

餘人非不言言亦或不聞言豈有不同數子愛我真前
時傍君居藉此得束身傭書蘭臺中得免一世嗔別君
居三年酒失屢自懺以此厚怨君君行倘相念

汪學正端光

自君居京華令我懶入山君雖不能遊喜我窮躋攀陟
險慮我危懸樹驚我頑嘗坐白石邊靜日待我還復恐
相背馳時喚林壑間每挈酒與肴解我饑渴顏共艇泛
釣臺同車出昭關七十二盤嶺三百六十灘時登仙人
峯時上毛女壇我狂不可遏藉子爲捉攔不然險上天
失足性命殘紀遊實雄奇君誦皆循環別君居三年過
山亦不詣以此厚怨君君時當一噓

酬崔太守龍見時攝處州守

萬里歸來攝一州桃花嶺畔使人愁
松杉密處稀耕隴麋鹿閒時滿郡樓
到海怪風聞尙慄愛山狂客記曾遊

兩申秋從王學使至此

官清何事忙偏甚幾許新詩落案頭

寄崔三景侃三十二韻

昨來遊西湖兼爲訪君病迎門一相見坐語不能竟
歔臥六尺牀朝曦與相映紅窗闔兩扇尙畏曉風勁藥物
貯枕函醫嫌不符症復言昨携燈失手不持柄燈燼誤
拂眉癢痕額間釘君雖顏色瘁玉骨尙精瑩竹扇揮不
停羅衣最娟淨神清能照物朗若玉爲鏡榻畔數冊書
拋殘未襄訂爲言是君集偶亦取諷詠雲箋蒙四壁愛

好實天性翫几插白蓮秋桃花亦倩朱魚貯甕榼水淺
喜游泳憐余欲稍憇深室早除摒阿母喜客來開扉急
延請齋厨戒葷殺蔬筍搬欲罄銀梨手中擘綠果盤內
釘傾觴復携榼一一催使令憶昨握別時君妻尙初聘
今聞娶盈載孀婉並能敬君兄持玉節失喜早相慶仲
子昨有書潛修怕奔競惟君忘進取所喜達時命晚挈
卧具來紗厨放端正辭君不可得連榻話宵靜絮語不
覺長疎疎佛樓磬雖癯談尙劇使我醉時醒一夕話數
年奚奴隔窗聽松櫺移影徧殘月復窺徑明發倘別君
重來尙難定

九月念一日自府東街醉歸由迎春橋取空濶處玩月

歸舍喜而有作

我從缺月看至圓復自月圓看至缺其間何夕最賞心
初八十三今廿一月當八日剛上弦日午已挂城樓邊
私心催送夕陽去好透清影來窗前十三此夜清輝好
遠挈幽人踏衰草是日醉錢竹初莊廷叔飲趙味辛宅酒後卽借味辛兄弟白雲溪步月東橋始歸仙趙家樓上千盞清縣尉衙前百燈皎今宵無
意復出遊坐客失喜相攀留是夕臨州守余存謙招客因拉入坐次主人
初歸萬餘里塵面未洗邀朋儔歸途正值如圭月照我
城東堞樓隙沿溪寂寂揔閉門剩得清涼沁肌骨我生
愛月歷八州月色無異殊歡憂中間多病復沉醉誰肯
徹夜懸簾鉤少年二八還三七得月不眠眠若失古巷

迢迢走欲窮高樓漸漸看將徹出門漸遠月漸親千里
對月如鄉人幾回愁苦向之說高興亦引同清樽海門
浩渺江流羨看月出波還漫浪萬斛清光一葉舟誰言
我不居天上蓮花峯東玉女盆十五十六無黃昏齋心
曾向石壇坐百怪看月來松門嵩高夜色尤無匹霜一
層蒙尺深雪緱山明月向南來三樣寒光一時結東西
南北遊萬場祇恨不上天中央我疑青天月色不及此
有若鏡面皎潔鏡背無輝光看殘月慘新月歡百歲月
止千回圓尙嫌平地佳時久起處落處不得一一窮其
端我詩被酒尤清快說月還愁衆星怪夜深說月更有
神引得一番兒女拜

爲史秀才次星賦焦尾硯

硯才係端溪石閩江舟人以支茶竈史君客閩時出
錢三百易之其半尙焦後琢爲硯因名曰焦尾云爾
昔有焦尾琴今有焦尾硯山中木石豈有知不遇才人
不能辨琴來爨下五尺長此亦日久支茶鐺磨之三日
故紋出洗以海水逾清光端溪僞質今無限此石故應
稱舊產有時携向沸水旁蟹眼尙侵鵲鵲眼史君才大
不可量攜硯歷涉天南方興來草辨漢赤壁否亦或賦
秦阿房草堂他日吾當識匣以紫檀時拂拭人生皆作
如是觀爛額焦頭稱上客

偶成

情懷苦被繭絲纏時醉時眠亦偶然誰向西窗喚人醒
一房春夢碎難圓

曾孫用愍校刊